

Headline	Pujuk gay Melayu		
MediaTitle	Harian Metro		
Date	22 Oct 2011	Color	Full Color
Section	Setempat	Circulation	324,097
Page No	24	Readership	1,981,000
Language	Malay	ArticleSize	288 cm ²
Journalist	N/A	AdValue	RM 8,282
Frequency	Daily	PR Value	RM 24,846



Pujuk gay Melayu

Jakim anjur pertemuan tertutup dengan ketua kumpulan seks songsang

>>Oleh Mohd Jamilul Anbia Md Denin

anbia@hmetro.com.my

IPOH: Jabatan Kemajuan Islam Malaysia (Jakim) bertindak agresif membendung gejala homoseksual atau gay di kalangan lelaki Melayu termasuk golongan eksekutif diyakini berjumlah puluhan ribu orang.

Malah, pegawai Jakim turun padang mengadakan pertemuan tertutup dengan beberapa persatuan gay baru-baru ini selain melakukan tugas dakwah di pusat hiburan yang menjadi sarang kumpulan seks songsang ini.

Sumber berkata, melalui perbincangan khas itu, Jakim mendekati golongan gay dan berusaha memujuk mereka menyertai program mukhayyah yang diyakini mampu membawa golongan ini ke arah keinsafan.

"Pada pertemuan membatik lebih 20 ketua kumpulan gay Melayu, Jakim memujuk mereka menyertai program khas diatur. Walaupun majoriti tidak bersetuju, namun masih ada segelintir berminat menyertai program.

"Apa ang pasti kegiatan gay di Malaysia seolah-olah disokong gerakan khas yang berusaha menyebarkan ideologi menjadikan ia tidak ubah seperti di negara Barat," katanya.



Difahamkan gerakan sulit kumpulan gay dikesan melanda bandar raya Kuala Lumpur selain Sarawak dan beberapa negeri lain.

Golongan ini termasuk pekerja profesional turut menjadi antara teramai menghidap HIV dan Aids yang mendapat rawatan di hospital kerajaan.

Pengarah Bahagian Pembangunan Keluarga, Sosial dan Komuniti Jakim, Saimah Mukhtar berkata kakitangan jabatannya serius menangani gejala gay seperti mendekati golongan mak nyah sejak awal tahun ini.

Menurutnya, program pemulihan khusus untuk golongan homoseksual sedang diatur dan pihaknya cuba memujuk mereka menyertai program itu.

"Golongan gay bukan seperti mak nyah atau pondan yang mudah dikenali berdasarkan bentuk fizikal. Mereka mempunyai penampi-

lan lelaki normal, namun kecenderungan seksual songsang.

"Kami cuba mendekati golongan ini dengan memasuki beberapa kelab gay terkemuka di ibu kota dan beberapa bandar raya lain sebagai kerja dakwah," katanya.

Menurutnya, tambah membimbangkan golongan gay tidak hanya membatik mereka yang berusia pertengahan tahun, malah disertai remaja dan berusia lebih 50-an.

"Jika dulu kegiatan gay dilakukan selindung, kini ramai berani mengisytiharkan diri sebagai gay melalui blog dan facebook selain menganjurkan pesta khas," katanya.

Menurutnya, Jakim tidak pernah memandang hina golongan ini sebaliknya menganggap gay Melayu pesakit yang perlu rawatan.

"Saya difahamkan ramai bersetuju mengikuti program pemulihan bakal dikenalalikan Jakim tidak lama lagi. Ia dianggap satu langkah awal positif," katanya.

Sementara itu, Setiausaha Agung Persatuan Pengguna Islam Malaysia (PPIM), Datuk Dr Maamor Osman berkata gejala warisan kaum Nabi Lut itu kian serius dengan adanya kemudahan teknologi perhubungan yang semakin canggih.

Menurutnya, blog, laman web sosial seperti twitter dan

facebook dijadikan pengantara oleh kumpulan gay Melayu ini untuk aktif dan mengumpul seramai mungkin ahli.

"Mungkin ramai pihak tidak menyedari bahaya kebangkitan golongan dilaknat ini namun ia sedang merebak dan boleh merosakkan generasi muda Islam," katanya.

Menurutnya, tindakan drastik perlu dilakukan bagi memerangi golongan ini termasuk golongan lesbian dan mak nyah yang menggambarkan kelemahan umat Islam negara ini.

Isu gay dikalangan lelaki Melayu beragama Islam pernah menjadi isu hangat apabila seorang lelaki Melayu berusia 32 tahun membuat pengakuan dirinya adalah gay melalui laman Youtube.

Ketua Pengarah Jakim, Datuk Wan Mohamad Sheikh Abdul Aziz bagaimanapun menjelaskan pihaknya tidak ada kuasa mengambil tindakan undang-undang terhadap lelaki berkenaan berikutan tidak mempunyai kuasa mengikut peruntukan undang-undang.

Beliau menyarankan penyebaran budaya homoseksual itu melalui laman sosial dan internet disekat dengan kerjasama Suruhanjaya Komunikasi Multimedia Malaysia dan agensi berkaitan.